

**PROGRAM RADA  
OPĆINSKOG NAČELNIKA  
ZA 2013.godinu**

Sarajevo, januar, 2013.godine

1.

## I

### UVODNI DIO

Program rada Općinskog Načelnika za 2013. godinu zasnovan je na zakonski definisanim nadležnostima Općinskog Načelnika i općinskih službi / sektora, pri čemu se vodilo računa o procjenama do kojih se došlo izvršenom analizom rezultata rada u 2012. godini, planovima u oblasti gradnje i komunalne infrastrukture, te objektivnim potrebama ekonomskog i socijalnog razvoja naše općine.

Po svojoj sadržini ovaj Program pred općinske organe i službe postavlja zahtjeve takve vrste koji podrazumijevaju da se javnim poslovima upravlja u granicama zakona, te da se prilikom obavljanja vlastitih nadležnosti radi i djeluje u interesu stanovnika općine, a što podrazumijeva i visok stepen odgovornosti.

Po svom karakteru ovo je planski akt, te će se u skladu sa tim sve aktivnosti koje su predmet Programa rada predvidjeti, a njihova konačna realizacija zavisit će od objektivnih okolnosti koje budu prisutne u datom momentu.

## II

### OKVIRNI PLAN AKTIVNOSTI

U 2013. godini objektivno se može očekivati tendencija postojanja nepovoljnih uslova za razvoj, a što je posljedica globalne ekonomske krize prisutne u svim sferama života i rada, nastavljanje ranije započetog trenda štednje u lokalnoj administraciji i poslovanju uopće, kao i smanjenje priliva sredstava sa drugih nivoa vlasti. Ovo posljednje bilo je prisutno i u 2012. godini, a ove godine za očekivati je da će situacija na ovom polju biti još nepovoljnija.

I pored naprijed navedenog, osnovni ciljevi ovog Programa u godini koja je pred nama su postavljeni realno pa se može očekivati da će se i realizovati. Prije svega, nastavit će se raditi na poslovima i projektima koji su započeti u prethodnoj godini i uporedo će se otpočeti neki novi projekti i aktivnosti u oblastima u kojima je propisana nadležnost općine kao jedinice lokalne samouprave, odnosno u kojima je izražen pravni interes općine.

Prije svega, i dalje će se raditi na stvaranju što povoljnijeg ambijenta za ulaganja u investicione programe, i to kroz obezbjeđivanje bitnih pretpostavki za dodjelu neizgrađenog građevinskog zemljišta u svrhu građenja, a kako bi se u konačnici ostvarili i određeni finansijski efekti na Budžet općine.

2.

Nastavit će se aktivnosti započete 2012. godine, a koje se tiču konačnog rješavanja statusa kasarne "Jajce" čime bi se ovaj objekat konačno stavio u funkciju i istovremeno spriječilo njegovo dalje propadanje. Općina Stari Grad je u vezi sa naprijed navedenim nosilac aktivnosti i koordinator između nadležnih organa i institucija u cilju konačnog rješavanja ovog pitanja.

U oblasti lokalnog razvoja težište će biti na izradi projektnih aplikacija prema međunarodnim organizacijama i fondovima, a sve u cilju obezbjeđenja sredstava na ime realizacije određenih projektnih zadataka za koje općina iskaže svoj ineteres.

I dalje ćemo raditi na realizaciji i dosljednoj primjeni zaključenih Sporazuma o saradnji koje je naša općina zaključila sa nama prijateljskim općinama iz Turske, Makedonije, Slovenije, Albanije... Na bazi zaključenih Sporazuma intezivirat ćemo aktivnosti u cilju postizanja što boljih kulturnih, ekonomskih i drugih efekata po Općinu Stari Grad. Rezultati ove saradnje mogli su se vidjeti i u prethodnom periodu kada smo zahvaljujući potpisanim Sporazumima i dobronamjernosti naših kolega realizirali mnoge po općinu značajne projekte, kao na primjer: Bakr-babina džamija, Mevlevijska tekija (realizacija projekta u toku), Park prirode na Grdonju (realizacija projekta u toku), opremanje starogradskih osnovnih škola informatičkom opremom, posjete naših učenika pobratimljenim gradovima i njihove uzvratne posjete, zajednički projekti na bazi kojih će se omogućiti pristup našoj općini različitim fondovima (uz ogromnu pomoć i podršku Općine Karpoš iz Makedonije), i drugi slični oblici saradnje.

Programske aktivnosti Općinskog Načelnika u 2013. godini, a posmatrano s aspekta Budžeta, imaće u svom velikom dijelu razvojni karakter, s težištem na infrastrukturne i druge projekte, u okvirima i granicama u kojima je realno i moguća realizacija ovih projekata.

Također, i ove godine obezbjedit će se aktivno učešće općine u postupcima donošenja zakonskih i podzakonskih akata na svim nivoima vlasti kroz davanje kvalitetnih sugestija, mišljenja ili prijedloga na utvrđene nacрте ili prijedloge određenih akata. Naravno, u svim situacijama u kojima se ocijeni da je došlo do povrede prava na lokalnu samoupravu, kao i uvijek do sada, reagovat ćemo i pred nadležnim organima tražiti zaštitu povrijeđenih prava i interesa. Brojni su primjeri u prethodnim godinama kada je naša općina, ili samostalno ili u koordinaciji sa drugim općinama, postupila na način i u cilju zaštite svojih inetresa. Podsjećanja radi, u prethodnom periodu Općina Stari Grad Sarajevo, samostalno ili u koordinaciji sa drugim općinama Kantona Sarajevo, pokrenula je ili podržala pred nadležnim sudom sljedeće postupke za zaštitu prava na lokalnu samoupravu: Zakon o koncesijama, Zakon o prodaji stanova na kojima postoji stanarsko pravo, Zakon o vraćanju, dodjeli i prodaji stanova, Zakon o pripadnosti javnih prihoda, kao i ostale povrede prava na lokalnu samoupravu u više oblasti, kao npr: komunalna oblast, zdravstvena oblast, oblast školstva i dr.

Općina Stari Grad Sarajevo će u ovom periodu, a u koordinaciji sa drugim općinama Kantona Sarajevo, intezivnije raditi na rješavanju određenih ključnih pitanja koja su bitna za funkcionisanje općine kao jedinice lokalne samiouprave, kao i za život i dobrobit njenih građana. Pitanja koja će, između ostalog, biti predmet posebnog interesovanja su: finansiranje općina, Zakon o koncesijama, Zakon o dobrobiti životinja (problem pasa lotalica – nezbrinutih životinja), dimnjačarska djelatnost, r egulacioni planovi i druga slična pitanja. U vezi sa naprijed navedenim, a na osnovu već održanih sastanaka općinskih Načelnika, već su zauzeti i stavovi po pojedinim pitanjima. Tako će se po pitanju finasiranja općina insistirati na ubrzavanju postupka za donošenje Zakona o raspodjeli javnih prihoda pred nadležnim organima Kantona Sarajevo, a što u

3.

stvari predstavlja provedbu već donesene presude Ustavnog suda BiH. Što se tiče Zakona o koncesijama, naša općina, koja je bila inicijator i ranije pokrenutog postupka pred nadležnim sudom (2012.godine), uzet će aktivno učešće u javnoj raspravi o pomenutom zakonu, koja je još uvijek u toku i insistirati će na većim nadležnostima općina u skladu sa osnovnim principima lokalne samouprave. Ovakvom stavu pridružile su se i druge gradske općine, tako da će se i u ovom pravcu djelovati zajednički. Djelovat će se i u drugim oblastima bitnim za rad i funkcionisanje općina, kao npr.aktiviranje postupka za izmjenu i dopunu Zakona o dobrobiti životinja, a koji je već ranije podnesen od strane Ureda za veterinarstvo, kao i druga slična pitanja.

Rad na socijalnim programima u 2013. godini bit će prisutan u mjeri u kojoj je to i neophodno i reflektovat će se kroz dodjele jednokratnih novčanih ili drugih vidova pomoći socijalno najugroženijim kategorijama stanovništva, dodjelu stipendija srednjoškolcima i studentima – djeci boračke populacije i sl.

Angažman općine po pitanju mladih i ove godine naći će svoje mjesto u programskim aktivnostima Općinskog Načelnika i to daljim omogućavanjem za sticanja potrebnog radnog iskustva kroz program volontiranja u općini, uključivanje u programe koji pospješuju angažman mladih (projekat “Radi- volontiraj”), kroz realizaciju „Strategije za mlade“ i sl.

Značajan dio programskih aktivnosti odnosit će se i na stvaranje bitnih preduslova za što bolju i efikasniju organizaciju općinskih službi/sektora te će u tom dijelu predmet neophodnih promjena biti i organizacija općinskih službi. Na ovaj način omogućit će se da općinska uprava bude racionalnija na način na koji će to omogućiti nova organizacija, odnosno reorganizacija.

Na planu upravljanja kvalitetom održan je recertifikacijski audit (07. i 08. januara, 2013.godine) koji je uspješno okončan, a što u svakom slučaju predstavlja nastavljnje napora za održavanje kontinuiteta sistema kvaliteta ISO 9001:2008.

U skladu sa iznesenim prijedlozima i inicijativama vijećnika u 2013.godini planira se uvođenje direktnog prijenosa sjednica Općinskog vijeća Stari Grad, “live streaming”, a čime će se omogućiti transparentnost u radu vijeća i dostupnost informacija građanima naše općine. Ovaj program bit će instaliran i građani naše općine svaku sjednicu Općinskog vijeća moći će pratiti “uživo” na zvaničnoj web stranici općine: [www.starigrad.ba](http://www.starigrad.ba).

Precizniji plan aktivnosti slijedi u daljim tačkama Programa koje su definisane po izdvojenim oblastima na koje se i odnose.

### III

#### OBLAST INVESTICIJA I KOMUNALNIH DJELATNOSTI

U oblasti investicija i komunalnih djelatnosti planirane su sljedeće aktivnosti:

- realizacija Projekta izgradnje objekta na lokalitetu Gazin han (Baruthana) za potrebe smještaja interno raseljenih lica (po principu sufinansiranja Općina – Ministarstvo za rad, socijalnu politiku, izbjegla i raseljena lica Kantona Sarajevo, a implementator Projekta je humanitarna organizacija “Hilfswerk” Austria)
- početak realizacije Projekta „Izgradnje sportske dvorane na Bistriku“
- realizacija Projekta izgradnje „Mevlevijeske tekije“ na Kovačima, a nosilac ovog Projekta je Turska agencija sa saradnju i koordinaciju – TIKa uz maksimalnu stručnu i drugu pomoć Općine (ovaj projekat je direktna posljedica zaključenog Sporazuma o saradnji sa općinom Konya - Turska)
- realizacija Projekta izgradnje Parka prirode na lokalitetu Grdonj (Turska agencija za saradnju i koordinaciju TIKa, Općina Stari Grad i preduzeće “Sarajevošume”)
- izgradnja poslovnih objekata u ulicama Mali Bravadžiluk i Halači
- popločavanje ulice Ferhadija (Općina Stari Grad – Kanton Sarajevo) – II faza, s tim što će se, naravno, ukoliko to objektivne mogućnosti budu dozvoljavale, pokušati otpočeti i sa III fazom ovog Projekta
- adaptacija spomenika kulture “Saburina kuća“
- realizacija projekta “ Bežičnog interneta” (I faza – Baščaršija)
- realizacija projekta izgradnje kanalizacione mreže Baruthana Moščanica – I faza (Općina Stari Grad – Fond za zaštitu okoliša)
- sanacija klizišta Hladivode br.3-5 i Pogledine preko puta br.29 (Općina Stari Grad i Zavod za izgradnju Kantona Sarajevo)
- asfaltiranje ulica: Toka – krak od br.12. do stepenica u ulici Pastrma, Ablakovina čikma od br.47 do br.39, Ablakovina – osnovni pravac, Talirevića, Pogledine od br.36 do br.40, Bajramuša od br.9.do br.19, Kamenica br.110, Mihrivode, Hamida Svrze, Škaljin sokak- I faza
- krpljenje udarnih rupa na ulicama po prioritetima
- izgradnja potpornih zidova: Begovac br.1., Grličića brdo do br.45., Ramića banja br.53., Pogledine br.10., Pogledine br.11., Boguševac br.17., Toka Džeka br.82
- izgradnja rukohvata -putnih odbojnika
- radovi na vodovodu i kanalizaciji
- izgradnja sportskih ploha: Medrese, Mjedenica, Iza Gaja
- sanacija Latinske ćuprije – popločavanje
- izrada projekta kanalizacije u ulici Zmajevac i Višegradska kapija – I faza
- uređenje korita Moščanica
- sanacija javne rasvjete
- projekat numerisanja ulica (Općina Stari Grad – Kanton Sarajevo)

5.

- pojačane aktivnosti na naplati zakupnine na ime korištenja javnih površina
- i dr.

#### IV

### **OBLAST PRIVREDE, POSLOVNIH PROSTORA, POLJOPRIVREDE I VETERINARSTVA**

U oblasti privrede, poslovnih prostora, poljoprivrede i veterinarstva planirane su sljedeće aktivnosti:

- pojačana kontrola stanja i korištenja poslovnih prostora, kontrola stanja neaktivnih poslovnih prostora i slobodnih poslovnih prostora, te sagledavanje stanja poslovnih prostora (premjer, etažiranje, skiciranje i dr)
- dodatna obrada dokumentacije u oblasti otkupa poslovnih prostora na kojima pravo raspolaganja ima Općina Stari Grad Sarajevo, uz sagledavanje i praćenje stanja u ovoj oblasti
- kontinuirana kontrola naplate zakupnina po osnovu korištenja poslovnih prostora
- praćenje i naplata evidentiranih zaostalih dugovanja
- pojačane aktivnosti na praćenju već utuženih zakupaca poslovnih prostora, kao i praćenje provođenja izvršnih presuda koje još uvijek nisu provedene
- sačinjavanje programskih mjera i aktivnosti u cilju dovođenja neuslovnih poslovnih prostora u funkciju
- realizacija Projekta “Proizvodnja u plasticima”
- realizacija Projekta “Razvoj pčelarstva na području Općine Stari Grad Sarajevo”
- realizacija Projekta “Stimulisanje stočarske proizvodnje”
- realizacija Projekta uspostave Registra poljoprivrednih gazdinstava i Registra klijenata na području Općine Stari Grad koji je usklađen na čitavoj teritoriji BiH
- aktivnosti u oblasti veterinarstva sa posebnim akcentom na zbrinjavanje pasa lualica (nezbrinutih životinja) u smislu iznalaženja dodatnih rješenja i praćenje stanja u ovoj oblasti
- hortikulturalno uređenje pojedinih dijelova Općine Stari Grad Sarajevo
- i dr.

## V

### **OBLAST URBANIZMA I PROSTORNOG PLANIRANJA**

U oblasti urbanizma i prostornog planiranja planirane su sljedeće aktivnosti:

- aktivno učešće u prostornom planiranju Općine Stari Grad Sarajevo sa nosiocem izrade planova Prostornog uređenja – Zavodom za planiranje razvoja Kantona Sarajevo i drugim subjektima planiranja
- organizacija javnih tribina i javnih rasprava koje će se odnositi na izradu planova prostornog uređenja :
  1. Regulacioni plan “Mahale – Kovači”
  2. Regulacioni plan “Mahale – Medrese”
  3. Regulacioni plan “Mahmutovac”
  4. Regulacioni plan “Alifakovac – Babića bašća”
  5. Regulacioni plan “Jarčedoli”
- aktivnosti na javnom oglašavanju za dodjelu lokacija za slobodnostojeće ljetne bašte
- pojačane aktivnosti na rješavanju primljenih zahtjeva za legalizaciju
- izmjene cjenovnika troškova tehničkog pregleda objekata za 2013. godinu
- i dr

## VI

### **IMOVINSKO – PRAVNA OBLAST**

U imovinsko – pravnoj oblasti planirane su sljedeće aktivnosti:

- aktivnosti koje se tiču dosljedne primjene propisa (zakonskih i podzakonskih akata) koji regulišu imovinsko-pravnu oblast
- podrška (stručna i druge vrste) prilikom realizacije projekata čiji je nosilac Općina Stari Grad Sarajevo
- pojačana koordinacija sa drugim općinskim službama i Pravobranilaštvom Općine u iznalaženju rješenja za lokacije (predmete) koji, eventualno, mogu biti predmet raspolaganja od strane Općine
- nastavak aktivnosti na digitalnoj upotrebi softvera za održavanje digitalnog geodetskog plana (za ove aktivnosti stvoreni su svi bitni tehnički preduslovi, a samo preuzimanje podataka je planirano za 2013. godinu)

7.

- usklađivanje svih razlika između digitalnih i analognih površina, dok će se za digitalni geodetski plan starog premjera izvršiti dodatna transformacija kako bi isti bio kompaktniji novom premjeru
- i dr.

## VII

### STAMBENA OBLAST

U stambenoj oblasti planirane su sljedeće aktivnosti:

- aktivnosti koje se odnose na dosljednu primjenu zakonskih i podzakonskih akata koji regulišu ovu oblast, a naročito Odluka donesenih od strane Općinskog vijeća
- nastavak aktivnosti, a iz poslova u nadležnosti ove službe, na realizaciji Projekta izgradnje stambenog objekta na lokalitetu Gazin han (Baruthana) za 11 (jedanaest) interno raseljenih porodica, a što će direktno doprinijeti smanjenju obaveza općine na ime sekundarnog smještaja, kao i trajnom rješavanju stambenog pitanja ovih porodica
- aktivnosti na iznalaženju lokacije za socijalno ugrožene porodice, a u vezi sa projektom donatora Evropske komisije za dodjelu finansijskih sredstava za implementaciju projekta “Sistem socijalnog stanovanja”
- aktivnosti na povratu stanova – vlasništvo Općine Stari Grad Sarajevo, u postupcima pred nadležnom Upravom za stambena pitanja Kantona Sarajevo (U skladu sa zakonom o vraćanju, dodjeli i prodaji stanova “Službene novine Federacije BiH”, broj 28/05)
- i dr.

## VIII

### OBLAST OPĆE UPRAVE

U oblasti opće uprave, pored redovnih poslova i radnih zadataka, naročita pažnja će se posvetiti sljedećim aktivnostima:

- 
- realizacija obaveza iz oblasti popisa stanovništva
- dosljedna primjena nove pravne regulative iz oblasti vođenja matičnih knjiga
- provođenja obuka koje se tiču primjene novih propisa (matične knjige – lični status građana)
- Novim Zakonom o matičnim knjigama i Pravilnikom o sadržaju stručne obuke i osposobljavanju matičara za vođenje matičnih knjiga predviđene su edukacije matičara i ostalih službenika koji su raspoređeni na poslove matičnog ureda



8.

- realizacija Projekta „Elektronski popis“ Agencije za identifikaciona dokumenta, evidenciju i razmjenu podataka i matičnog ureda
- stvaranje bitnih pretpostavki za poslove vezane za zamjenu ličnih karti građana BiH (planirano od 01.03.2013.godine), jer je za očekivati povećan broj zahtjeva za izdavanje izvoda iz matičnih knjiga
- dodatni angažman na animiranju građana za dostavu JMB matičnom uredu s obzirom da će registar matičnog ureda, a čije se uvođenje planira, funkcionisati na bazi JMB
- i dr.

## IX

### OBLAST LOKALNOG RAZVOJA

U oblasti lokalnog razvoja planirane su sljedeće aktivnosti:

- uvrštavanje Općine Stari Grad Sarajevo i Muzeja XIV zimskih olimpijskih igara u katalog jedanaest zemalja Jugoistočne Evrope – Atrium - Muzej XIV zimskih olimpijskih igara
- realizacija projekta “Sarajevo Olympic Bike Park” - međuentitetski projekat 4 (četiri) općine iz Federacije i 3 (tri) općine iz RS na čijim teritorijama se nalaze olimpijske planine
- dalja realizacija Projekta „Kuća zanata“
- priprema treće generacije info-panoa
- realizacija Projekta “Slatko čoš – susret Istoka i Zapada”
- priprema projekta “Jednoobraznih reklamnih panoa na teritoriji Općine Stari Grad Sarajevo”, a čiji je osnovni cilj ukidanje nelegalnih panoa i uvođenje reda u ovoj oblasti
- jačanje kapaciteta nevladinih organizacija sa područja Općine, a u vezi sa sastavljanjem prijedloga za EU fondove
- Organizacija seminara i radionica na temu “Mladi u lokalnoj zajednici”
- realizacija projekta “Naša pasivna kuća” u saradnji sa Agencijom za arhitekturu i dizajn “ARCHI GREEN”
- i dr

## X

## OBLAST OBRAZOVANJA, KULTURE I SPORTA

U oblasti obrazovanja, kulture i sporta planirane su sljedeće aktivnosti:

### Obrazovanje:

- sagledavanje stanja, praćenje i podsticanje aktivnosti iz oblasti predškolskog obrazovanja, te predlaganje mjera u cilju unapređenja odgojno – obrazovnog rada u predškolskim ustanovama
- unapređenje rada predškolskih ustanova i kvaliteta usluga
- koordinacija sa osnovnim školama u cilju otvaranja i opremanja za rad produženog boravka, i dr.

### Osnovni odgoj i obrazovanje

- praćenje, usklađivanje i provođenje reformi u osnovnom obrazovanju
- organiziranje okruglih stolova u cilju iznalaska mogućnosti za pomoć djeci sa posebnim potrebama u cilju provođenja inkluzije kroz redovni odgojno-obrazovni rad
- koordinacija sa Zavodom “Mjedenica” i “Vladimir Nazor”
- analiza stanja objekata i uslova rada osnovnog obrazovanja na lokalitetu Općine
- priprema i organizacija takmičenja
- praćenje upisa, uspjeha i vladanja djece kroz redovne izvještaje
- opremanje škola neophodnim učilima
- realizacija Projekta “Škola plivanja” u saradnji sa JU “Olimpijski bazen Otoka”
- dodjela stipendija nadarenim učenicima
- realizacija projekta “Sklonimo mlade s ulica – Obuka učenika za kreativna zanimanja, i dr.

### Ostale aktivnosti

- istraživanja vezana za EU fondove kao i potencijalne donatore iz BiH koji potiču kulturu i obrazovanje
- aktivnosti oko realizacije projekta “Banka koštane srži” u saradnji sa NVO “Mala”, i dr.

### Kultura

podrška kulturnim manifestacijama:

- “Sarajevska zima”
- “Bašćaršijske večeri”
- “Sarajevo Film Festival”
- “Balet fest”
- “Festival Mess”
- dodjela nagrade “Isa-beg Ishaković”, i dr.

10.

podsticanje međunarodne kulturne saradnje:

- “Međunarodni festival folklor”
- “Karpoš” - Makedonija, posjeta profesora likovne sekcije sa učenicima iz starogradskih osnovnih škola
- aktivnosti u vezi sa manifestacijom “Sarajevski dani poezije”- međunarodnom književnom manifestacijom u organizaciji Društva pisaca BiH u saradnji sa osnovnim školama općine
- očuvanje kulturno-historijskog nasljeđa kroz finansijsku i drugu podršku radu :
- manifestacije “Old timer”
- “Umjetnička galerija BiH”
- “Komšiluk”
- “Bosanski lonac”, i dr.

## **Sport**

- organizovanje rekreacija za sve dobne i polne skupine
- razvojni sport za omladinske pogone
- sport invalidnih lica
- sport u osnovnim školama
- organizaciju sportskih manifestacija: Memorijalni turnir Omar Pekmez, Bajramski turnir u malom nogometu, Sportski susreti invalida Starog Grada povodom 25.novembra, Novogodišnji turnir u malom nogometu “Asim Ferhatović – Hase”, Božićni turnir, i dr.

## **XI**

### **OBLAST ODNOSA S JAVNOŠĆU I INFORMACIONOG SISTEMA**

U oblasti odnosa s javnošću i informacionog sistema planirane su sljedeće aktivnosti:

- nastavak rada na izradi biltena Općine “Starogradski haberi”, tromjesečno ( četiri puta godišnje)
- realizacija I faze Strategije za mlade Općine Stari Grad Sarajevo
- izrada brošure Općine Stari Grad Sarajevo
- redizajniranje općinske WEB stranice što podrazumijeva: promjenu dizajna i izgleda WEB stranice, instaliranje novih sadržaja na WEB stranici, aktualizaciju i ažuriranje tekstualnih i multimedijalnih sadržaja, instaliranje novih rubrika
- ažuriranje i održavanje komplementarnih servisa (Facebook page Općine i Youtube profil)
- redizajniranje sadržaja na Intranet stranici kroz novi operativni sistem

11.

- održavanje i poboljšanje postignitog stepena funkcionalnosti servisa IT koji podržavaju poslovne procese u Općini koje čine: poboljšanje mrežnih servisa (LAN WAN, Internet i Intranet),
- virtuelizacija servera informacionog sistema
- i dr.

## **XII**

### **OBLAST SOCIJALNE ZAŠTITE**

U oblasti socijalne zaštite planirane su sljedeće aktivnosti:

- pomoć socijalno najugroženijim kategorijama stanovništva u saradnji sa Centrom za socijalni rad i humanitarnim organizacijama
- pomoć (novčana naknada) porodiljama iz radnog odnosa, nezaposlenim porodiljama, kao i pomoć u prehrani i opremi za porodilje
- dodjela jednokratnih novčanih pomoći, kao i pomoći za liječenje i nabavku lijekova licima u stanju socijalne potrebe
- pojačane aktivnosti na jačanju saradnje sa federalnim i kantonalnim ministarstvima po pitanju izgradnje stambenih objekata za povratnike i interno raseljene osobe
- pokretanje inicijative prema IPA fondovima za formiranje Centra za osobe tzv. “treće dobi”(starije osobe), a u cilju obezbjeđenja potrebnih sredstava za formiranje i rad navedenog Centra
- dodjela pomoći – osnovnih životnih namirnica (paketa) socijalno ugroženim kategorijama stanovnika
- podrška radu Udruženju građana Javna kuhinja “Stari Grad“
- i dr.

## **XIII**

### **OBLAST BORAČKO – INVALIDSKE ZAŠTITE**

U oblasti boračko – invalidske zaštite planirane su sljedeće aktivnosti:

- nastavak rada na provođenju Zakona o proglašenju Zakona o provođenju kontrole zakonitosti korištenja prava iz oblasti boračko – invalidske zaštite
- učestvovanje u obilježavanju značajnih datuma u periodu 1992. - 1995.godina

12.

- učestvovanje u obilježavanju Dana Općine, državnih i vjerskih praznika
- stipendiranje djece boračke populacije (srednjoškolaca i studenata)
- aktivnosti u vezi sa primjenom Zakona o dopunskim pravima boraca – branitelja BiH
- dodjela jednokratnih novčanih pomoći-hedija, povodom Dana Općine
- saradnja sa boračkim organizacijama i udruženjima registrovanim na području Općine i dr.

#### **XIV**

### **OBLAST INSPEKCIJSKIH POSLOVA**

U oblasti inspekcijskih poslova planirane su sljedeće aktivnosti:

- pojačan inspekcijski nadzor – postupak u slučajevima gradnje bez odobrenja za građenje
- sređivanje interne evidencije bespravno sagrađenih objekata ili dijelova istih, a koji su prispjeli za izvršenje
- pojačana kontrola stanja iz oblasti komunalnih djelatnosti na području Općine i insistiranje na poštovanju izdatih rješenja, a posebno u pogledu površine koja se koristi u svakom pojedinačnom slučaju
- nastavak saradnje sa kantonalnom komunalnom inspekcijom u nadzoru nad zauzimanjem javnih površina
- i dr.

#### **XV**

### **OBLAST CIVILNE ZAŠTITE**

U oblasti civilne zaštite planirane su sljedeće aktivnosti:

- ažuriranje plana zaštite i spašavanja ljudi materijalnih dobara od prirodnih i drugih nesreća
- procjena ugroženosti Općine od prirodnih i drugih nesreća
- praćenje situacije u vezi sa klizištima na teritoriji Općine Stari Grad Sarajevo, kao i objektima koji ugrožavaju živote i imovinu

13.

- aktivnosti na obilježavanju objekata koji ugrožavaju živote i imovinu
- pojačana saradnja i koordinacija sa upraviteljima stambenih objekata koji su zaduženi za održavanje objekata koji ugrožavaju život i imovinu
- preduzimanje preventivnih mjera na umanjenju opasnosti od požara (naročito u ljetnjem periodu), kao i u drugim situacijama
- pojačane aktivnosti prema građanima u vidu izdavanja određenih upozorenja radi zaštite, a sve u saradnji sa mjesnim zajednicama
- i dr.

## XVI

### **PRIJEDLOZI OPĆIH I POJEDINAČNIH AKATA, IZVJEŠTAJA I INFORMACIJA ZA OPĆINSKO VIJEĆE**

Planirane aktivnosti:

- Odluka o privremenom korištenju javnih površina na području Općine Stari Grad Sarajevo
- Odluka o visini komunalnih taksi
- Odluka o vidovima socijalne zaštite koji se finansiraju iz Budžeta Općine – jednokratna socijalna pomoć licima u stanju socijalne potrebe
- Odluka o vidovima socijalne zaštite koji se finansiraju iz Budžeta Općine – novčana pomoć za liječenje
- Odluka o izmjenama i dopunama Odluke o davanju u zakup poslovnih prostorija na kojima pravo raspolaganja ima Općina Stari Grad Sarajevo
- Odluka o visini naknade za pogodnosti gradskog građevinskog zemljišta – rente na području Općine Stari Grad Sarajevo za 2013. godinu
- Odluka o utvrđivanju visine naknade za građevinsko, poljoprivredno i gradsko građevinsko zemljište
- Izvještaji o izvršavanju Budžeta

14.

- Informacija o izvršenim hitnim intervencijama na zgradama
- Informacija o vršenju inspeksijskog nadzora u oblasti urbanizma i građenja
- Informacije o provođenju općinskih odluka iz oblasti:

1. *imovinsko – pravna oblast*
2. *stambena oblast*
3. *oblast poslovnih prostora*
4. *oblast urbanizma*
5. *oblast boračko – invaliske zaštite*
6. *oblast socijalne zaštite*
7. *oblast komunalnih djelatnosti*
8. *oblast inspeksijskog nadzora*
9. *oblast obrazovanja, kulture i sporta*
10. *oblast lokalnog razvoja*
11. *kao i sve druge oblasti na koje se odnose donesene općinske Odluke*

- Informacija o aktivnostima Općinskog Načelnika
- Informacija o pripremljenosti za zimsko održavanje saobraćajnica na području Općine Stari
- Grad Sarajevo
- kao i drugi prijedlozi općih i pojedinačnih akata, izvještaja i informacija

Naprijed pobrojane aktivnosti predstavljaju samo dio planiranih aktivnosti u ovoj oblasti. Najveći dio ovih aktivnosti bit će naveden u Programu rada Općinskog vijeća, a u slučaju da se ukaže potreba određeni prijedlozi općih i drugih akata bit će pripremljeni i dostavljeni Općinskom vijeću na razmatranje i odlučivanje.

**XVII**  
**ZAVRŠNI DIO**

Pravni osnov za donošenje Programa rada Općinskog Načelnika sadržan je u Statutu Općine Stari Grad Sarajevo i obavezi Općinskog Načelnika da Općinskom vijeću prezentira svoje programske aktivnosti.

Programske aktivnosti Općinskog Načelnika su planski akt i polazna osnova za izradu Programa rada Općinskog Vijeća.

Po svom karakteru i sadržaju ovo je i okvirni akt koji će se kretati u okvirima objektivnih potreba i realnih mogućnosti Budžeta Općine Stari Grad Sarajevo za 2013.godinu.

U vezi sa naprijed navedenim, Općinski Načelnik prezentira Općinskom vijeću Stari Grad Sarajevo Program rada za 2013.godinu.

**OPĆINSKI NAČELNIK**  
**mr. Ibrahim Hadžibajrić, s.r.**